

## ZUM GLÜCK Baby Jail 1989 (Text: Boni Koller)

Dis Mami isch mer bös, ich weiss au gnau wieso  
Sie hät kei Charte us de Ferie übercho  
Din Brüeder isch no schlimmer, dä luegt mi nümme aa  
Sit ich sini Plattesammlig uusglacht ha

Zum Glück bisch du nöd au so blöd wie dini Verwandte  
Zum Glück seisch du, es schtört dich nöd  
dass ich dini Tante  
Beleidigt han mit em Witz vo de Elefante

Dini Schwöschter isch veruckt uf mich  
ich weiss au wieso  
Sie hät bim Jasse uf s'Tach übercho  
Das hät ere jetz glanget, sie chunnt nümme verbii  
Sie weiss ja gar nöd wie froh dass ich bi

Zum Glück bisch du nöd au so blöd wie dini Verwandte...

Zum Glück für dich, zum Glück für mich  
Zum Glück isch dini Familie riich  
Sie ärgered sich grüen, aber Sackgält gänds eus glich  
Zum Glück für dich, zum Glück für mich

Zum Glück bisch du nöd au so blöd wie dini Verwandte...